

Ishonch

Юрт таракқийети йўлида бирлашайлик!

2022 йил
13 октябрь
пайшанба
№ 125 (4721)

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган

Кун нафаси



Жавобини кутаётган саволлар

>>> 3

Сирдарё вилояти Учрашув

ОШҚОРА ФИКР –

ГАЗЕТА МУНДАРИЖАСИНИ БОЙИТАДИ



>>> 2

«ISHONCH» VA «ISHONCH-DOVERIE» ГАЗЕТАЛАРИ ТАХРИРИЯТИ ЖАМОАСИ СИРДАРЁ ВИЛОЯТИДАГИ ГАЗЕТХОНЛАР, МАТБУОТ ТАРҚАТУВЧИЛАР, КАСАБА УЮШМА ФАОЛЛАРИ ВА ЖУРНАЛИСТЛАР БИЛАН ЮЗМА – ЮЗ МУЛОҚОТДА БЎЛДИ.

Қашқадарё вилояти Анжуман

Долзарб мавзуда мулоқот

11 ноябрь – Касаба уюшмалари куни арафасида республикадаги корхона ва ташкилотларда маънавий-маърифий учрашувлар, спорт мусобақалари, тадбирлар ташкил этилмоқда.

Нишон туманидаги 13-ихтисослашган давлат умумтаълим мактабида ҳам «Халқаро ва миллий меҳнат стандартлари», «Хотин-қизларнинг меҳнат ҳуқуқлари ҳимояси» мавзуларида ўтказилган анжуман ҳам шу муносабат билан ташкил этилди.

Тадбирда Таълим ва фан ходимлари касаба уюшмаси Нишон тумани кенгаши раиси Баҳодир Жовлиев тузилган жамоа шартномаларидан ўрин олган аёллар ва оилавий вазифаларни бажариш билан машғул шахсларга бериладиган кўшимча имтиёз ва кафолатлар тўғрисида атрафлича маълумот берди. Сўзга чиққанлар 2021 йилнинг сентябрь ойида қабул қилинган «Ўзбекистонда муносиб меҳнат бўйича 2021-2025 йилларга мўлжалланган мамлакат дастури» ва уни 2022-2023 йилларда амалга

ошириш бўйича ишлаб чиқилган «Йўл харитаси» юзасидан ўз фикр-мулоҳазаларини билдиришди.

«Йўл харитаси»да муносиб меҳнат шароитларини такомиллаштиришга қаратилган 50 тадан ортиқ тадбир режалаштирилгани, уларнинг ижросини таъминлаш меҳнат қонунчилигини халқаро стандартларга мослаштириш, норасмий бандликни қисқартириш ва ижтимоий ҳимояни кучайтиришга хизмат қилиши алоҳида таъкидланди.

Акмал АБДИЕВ «ISHONCH»

Самарқанд вилояти Тадбир

Транспортчилар машварати

Самарқандда Халқаро транспорт (МОП) касаба уюшмалари уюшмасининг кенгайтирилган йиғилиши бўлиб ўтди.

Унда Россия, Беларусь, Қозоғистон, Тожикистон, Қирғиз Республикаси ҳамда Татаристон Республикаси транспорт ва йўл хўжаликлари касаба уюшмаларининг раҳбарлари, мамлакатимиздаги соҳа касаба уюшмаларининг вилоят кенгашлари етакчилари иштирок этди.

Йиғилишда Транспорт, йўл ва капитал қурилиш, қурилиш индустрияси ходимлари касаба уюшмаси Республика кенгаши раиси Абдулла Нугманов меҳнат муносабатларини такомиллаштиришдаги халқаро андоза ва ўзаро ҳамкорлик алоқалари самарасига эътибор қаратди. Транспорт ва йўл хўжалиги ходимлари халқаро касаба уюшмалари уюшмаси раҳбари Александр Шуриков ҳамкорлик ривожига ҳисса қўшган бир гуруҳ тармоқ касаба уюшмалари ходимларини МОП томонидан таъсис этилган нишон билан тақдирлади.



Умумроссия автомобиль транспорти ва йўл хўжалиги ходимлари касаба уюшмаси раҳбари Владимир Ломакин бир гуруҳ МДХ давлатлари фаолларига Россия касаба уюшмаларининг кўкрак нишонини топширди.

Тадбирда истиқболга оид муҳим вазифалар белгилаб олинди. Шундан сўнг меҳмонлар Самарқанддаги маданий мерос объектлари ҳамда олиб борилаётган бунёдкорлик ишлари билан танишди.

Нурилла ШАМСИЕВ «ISHONCH»

Ўзбекистон Республикаси Президенти Шавкат Мирзиёев Қозоғистон Республикаси Президенти Қосим-Жомарт Тоқаевнинг таклифи биноан 12-14 октябрь кунлари Осиёда ҳамкорлик ва ишонч чоралари бўйича кенгаш ҳамда Мустақил Давлатлар Ҳамдўстлиги Давлат раҳбарлари кенгашининг навбатдаги мажлисида иштирок этиш учун Қозоғистон пойтахти Остона шаҳрига ташриф буюрди.

Вазирлар Маҳкамасининг «Опера ва балет санъатини тарғиб қилиш ва иқтидорли ижодкорларни рағбатлантириш чора-тадбирлари тўғрисида»ги қарори қабул қилинди.

Вазирлар Маҳкамасининг «Эмиссиявий қимматли қоғозлар чиқарилишини давлат рўйхатидан ўтказиш, аввал давлат рўйхатидан ўтказилган қимматли қоғозлар чиқарилишига ўзгартиришлар ва қўшимчалар киритиш, аввал давлат рўйхатидан ўтказилган қимматли қоғозлар чиқарилишини бекор қилиш бўйича давлат хизматларини курсатиш маъмурий регламентини тасдиқлаш тўғрисида»ги қарори қабул қилинди.

Самарқанддаги «Буюк ипак йўли» халқаро туристик мажмуаси Конгресс марказида «С5+1» форматида Марказий Осиё давлатлари учун ядровий контрабандага қарши курашиш масалаларига бағишланган минтақавий конференция ўз ишини бошлади.

Анжуманда Ўзбекистон, Қозоғистон, Қирғизистон, Тожикистон, Туркменистон ва АҚШдан радиация хавфсизлигига алоқадор ташкилотлар вакиллари иштирок этмоқда.

Мальдив Республикаси Ички ишлар вазири Шайх Имрон Абдулла бошчилигидаги делегация юртимизга ташриф буюрди. Делегацияни Ўзбекистон Республикаси ички ишлар вазири Пўлат Бобононов қабул қилди.

Беларусининг Витебск вилояти делегацияси Қашқадарё вилояти инвестициялар ва ташқи савдо бошқармаси таклифи биноан Ўзбекистонга келди ва Ҳузур туманидаги Uzbekistan GTL су-юлтирилган газ ишлаб чиқариш заводи фаолияти билан танишди.

Ўзбекистон Республикаси Бош вазири ўринбосари – инвестициялар ва ташқи савдо вазири Жамшид Хўжаев Буюк Британия ва Шимолий Ирландия Бирлашган Қиролигининг Ўзбекистон Республикасидаги Факултада ва мухтор элчиси Тимоти Торлот билан учрашув ўтказди.

«Ўзбекиксаноат» уюшмасида ташкил этилган шоу-румга Финляндиянинг «Helsingin Suomalainen Yhteiskoulu» (SYK) мактаби битирувчилари ташриф буюрди. Уларни Ўзбек ипакчилиги тарихи ва ипақдан ўқилган матолар коллекцияси билан таништириш мақсадида экскурсия ташкил этилди.

Интернет кабарлари асосида тайёрланди

Келгуси сонларда ўқинг...



Жавобини кутаётган саволлар



Андижон вилояти

Экология ва атроф-муҳитни муҳофаза қилиш давлат қўмитаси ва Андижон вилояти ҳокимлигига!

ДАРАХТКУШЛИК ТОКАЙГАЧА ДАВОМ ЭТАДИ?

Избоскан тумани маркази Пойтуғ шаҳрида ўтган асрнинг 60-70-йилларида жуда кўплаб чинорлар экилган. Бу азим дарахтларнинг соясидан баҳра олган борки, бугунгача «Экканга раҳмат!» дея дуо қилади. Яқинда «Пойтуғ – Тўрткўл» йўлининг бир қисми замонавий усулда капитал таъмирга тушди-ю, шу дарахтларга қирон келтирилди. Уларга қўшиб терак ва толлар ҳам кесиб ташланди. Холбуки, Президентнинг тегишли фармони билан манзарали дарахтларни кесиш тақиқланган. Халқимизда яхши инсон йўл қўради, деган нақл бор. Лекин бу эзгу иш соя-салқин бериб, ҳавонинг мусаффолигини сақлаётган яшилликка зиён етказиш орқали амалга ошмаслиги керак!

Хўш, аҳоли ва атроф-муҳитни асрашга масъул ташкилотлар қаерга қараяпти? Йўлнинг кейинги таъмири ҳам дарахтларни кесиш билан давом эттириладими?

Анваржон ҲАЛИМОВ
Избоскан тумани



Олий таълим вазирлигига!



СИРТҚИ ТАЪЛИМДАГИЛАР МАГИСТРАТУРАДА ЎҚИЙ ОЛАДИМИ?

Ёшларга қулай шарт-шароитлар яратиш мақсадида юртимизнинг кўплаб олий таълим муассасаларида сиртқи таълим йўналишлари очилган. Ушбу бўлимда ўқиётган талабалар ишлаш имкониятига эга. Бироқ шундай ёшларни яна бир савол қизиқтирмакда:

Сиртқи таълимда таҳсил олаётган талабалар келгусида магистратура босқичига ҳужжат топширишлари мумкинми?

Дияра РАВШАНОВА



Самарқанд вилояти

Самарқанд вилояти транспорт бошқармаси ҳамда Самарқанд шаҳар ҳокимлигига!

ЧОРРАҲАДАГИ ТАРТИБСИЗЛИККА КИМ ЖАВОБ БЕРАДИ?

Даҳбед чорраҳаси – Самарқанд шаҳар транспорти ҳаракати тармоғининг муҳим бўғини, энг гавжум жой. Бу ҳудудда кенг миқёсли бунёдкорлик ишлари амалга оширилиб, йўллар кенгайтирилди. Пиёдаларга қулайлик яратиш мақсадида тунель ҳам қазилляпти. Аммо ҳалигача бу чорраҳада тартиб йўқ.

Шусиз ҳам гавжум чорраҳанинг тўрт томони йўналишсиз таксилар қуршовида. Йўл ва ёндош кўчалар мижоз кутаётган таксилар билан

тўла. Бу эса пиёдаларга ҳам, транспорт ҳаракатига ҳам салбий таъсир қиляпти.

Бу мавзу бир неча бор ОАВда кўтарилди. Лекин мутасадди идоралардан садо йўқ.

Наҳотки, йўналишсиз таксиларни чорраҳадан бир қақирим нарида – Сиёб бозори кўприги атрофидаги автотранспорт воситалари учун мўлжалланган туриш майдончасига кўчиришнинг иложи бўлмаса?

Хайрулла ШАМСИЕВ
Самарқанд шаҳри



Қашқадарё вилояти ҳокимлигига!

ЕМАГАН СОМСАГА ҚАЧОНГАЧА ПУЛ ТўЛАЙМИЗ?

Бундан икки йил муқаддам Қўқдаланинг кенгликлариди, аниқроғи, 172 гектар майдонда узум етиштириш бўйича катта умидлар билан иш бошланган эди. Далага Туркиядан келтирилган ток қаламчалари қадалди, «Бегламишсой» кооперацияси ташкил этилди. «Талоқтепа» маҳалласидан ҳам ўттиз нафардан ортиқ киши бу лойиҳага жалб этилди.

«Сизга узумзор қилиб берамиз. Узумини сотасиз, оилангизга фаровонлик қиради. Шундан кейин бу ишни, яъни боғбонликни оилангиз билан давом эттирасиз. Эвазига йиллар мобайнида сизнинг номингизга берилган кредитни банкка қайтаришингиз зарур бўлади», дейишди. Банк, мижоз (яъни аҳли фуқаро) ва кооперация раҳбари ўртасида уч томонлама шартнома имзоланди.

Аммо бугун Бегламишсой далаларига борсангиз, ваъда қилинган интенсив узумзорни эмас, аксинча, қуриб қолган ток қаламчалари ва янтоқ босган майдонни кўра-



сиз. Не-не умидлар билан қадалган бетон устунлари томчилаб суғоришга мўлжалланган шланглар ҳам ташландиқ ҳолда ётибди.

Боз устига, фуқароларнинг телефонига кредитдан қарздорлик ҳақида SMS хабарлар келиши ёки ишлайдиган фуқароларнинг пластик карталаридан пул маблағлари ечиб олинishi давом этмоқда. Масалан, тумандаги 59-умумий ўрта таълим мактаби ходимлари Оқила Элматова, Лазиз Ғаниев, Фароғат Ғаниева, Отабек Шодмонов, Баҳодир Ҳақбердиевнинг пластик картасидан банк кредит учун маблағ ушлаб қолинган. Ҳеч

қаерда ишлайдиган Шохиста Холбоевнинг болалари нафақа пулидан 600 минг сўм кесиб олинган. Бу рўйхатни яна давом эттириш мумкин.

Фуқаролар банкдан бирор мақсадда кредит олмақчи бўлса, «Сизнинг номингизда кредит қарздорлиги бор. Пул маблағи беролмаймиз», дейишяпти. Бегламишсойга бориб, ўзига ажратилган ерни, узумзорни сўраган фуқаролар ҳам тайинли, қониқарли жавоб олишолмаяпти.

Саволимиз шундай: қачонгача емаган сомсага пул тўлаймиз?

Ўктам БАРОТОВ
Қўқдала тумани, «Талоқтепа» маҳалласи

Навоий вилояти

Халқ таълими вазирлигига!

СИФАТЛИ КўМИРДАН УМИД ҚИЛСАК БўЛАДИМИ?

Хадемай қиш мавсуми бошланади. Табиийки, олис ҳудудлардаги таълим масканларини иситиш масаласи кун тартибига чиқади. Кўплаб мактаблар табиий газ билан таъминланмаган, улар кўмир ёрдамида иситилади. Аммо мактабларга берилётган кўмирнинг сифати мутлақо талабга жавоб бермайди. Бунга ўтган йили гувоҳ бўлдик.

Бу йил ҳам шу ҳолат такрорланмайди? Умуман, қишлоқ мактабларини қиш фаслида сифатли ва тез ёнувчан кўмир билан таъминлаш қачонгача пайсалга солинади?

Нормурод МУСОМОВ
«ISHONCH»

Сирдарё вилояти

Сирдарё вилояти ҳокимига!

ЯГОНА ХАЛҚ ШОИРИГА ҲУРМАТИНГИЗ ШУМИ?

Вазирлар Маҳкамасининг 2022 йил 9 июндаги «Ўзбекистон халқ шоири Тўра Сулаймон уй-музейини ташкил этиш тўғрисида»ги қарори бўйича ишлар аллақачон бошланиб кетган.

Шоирнинг ўғли Мирза Сулаймоннинг шаҳодат беришича, объектда ишлар жуда суст бормоқда. Бунинг асосий сабабларидан бири лойиҳа учун ажратилиши керак бўлган

маблағ камлигидир. Чунки бу ишга мутасадди бўлган вилоят ҳокимлиги 3 та вариантдан энг камхаржини танлаган.

Айни пайтда шоирнинг уйида ўғилларидан бири умргузаронлик қилади. Аввало, бу оилага алоҳида бошпана қуриб берилиши керак. Ана шундан кейин шоир хонадонидидаги иморатларни уй-музейга мослаб реконструкция қилиш мумкин бўлади.

Албатта, бундай залворли лойиҳалар ҳар куни қабул қилинавермайди. Қолаверса, бир умр Сирдарёда яшаб ижод қилган халқ шоири ягонадир. Бу жой келажакда сирдарёликлар ҳар доим қадрам ранжиди қиладиган масканга айланади. Шоирнинг уй-музейи ҳам шунга яраша мухташам ва чиройли бўлиши керак.

Ҳар ҳолда, бундай залворли лойиҳалар ҳар куни қабул қилинавермайди. Қолаверса, бир умр Сирдарёда яшаб ижод қилган халқ шоирига ҳурматингиз шуми?


Мухаммадали АҲМЕДОВ
Гулистон шаҳри



«ДУНЁ СЕН БИЛАН!»
ёхуд «Куёш болалари»га кўмак

Матонат

Мулоҳаза



Ҳалқ мақолини бузиб айтмайлик... Яқинда Ўзбекистон Миллий университети қошидаги педагог кадрларни қайта тайёрлаш ва уларнинг малакасини ошириш курсини тамомладим...

Ҳилола Тўхтамурадова Тошкент вилояти Урта Чирчиқ туманида таваллуд топган. У «Дунё сен билан!» лойиҳасига асос солиб бўлиб, «даун» синдроми билан туғилган болаларнинг ҳунар орқали қўл моторикасини ривожлантиришга ҳисса қўшмоқда...



Ҳилола Тўхтамурадова «Дунё сен билан!» лойиҳаси доирасида боланинг қўли моторикасини ривожлантиришга ҳисса қўшмоқда.

Менинг болалагим икки қисмдан иборат бўлган. Бири онам билан, бири буюм билан боғлиқ. Уч ёшимда ота-онам ажрашган. Эсимни таниганимда ўғай отамнинг уйда улғаяр эдим. Назаримда аввалига ҳаммаси кўнгилдагидек яхши эди...

2014 йил ТИББИЁТ КОЛЛЕЖИГА, 2018 йил ТОШКЕНТ ТЎҚИМЧИЛИК ВА ЕНГИЛ САНОАТ ИНСТИТУТИГА ГРАНТ АСОСИДА ЎҚИШГА КИРДИМ. МЕНДА ИЖТИМОЙ ФАОЛЛИККА БЎЛГАН ҚИЗИҚИШ УЙҒОНДИ. ЗУЛФИЯ НОМИДАГИ ДАВЛАТ МУКОФОТИГА ҲУЖЖАТ ТОПШИРДИМ. БИР ЭМАС, БИР НЕЧА БОР. ҲАР ГАЛ ТУРЛИ САБАБЛАР БИЛАН ҚАЙТАРИШГАН: «ҲУЖЖАТЛАРИНГ ТЎЛИҚ ЭМАС, ХАЛҚАРО СЕРТИФИКАТЛАРИНГ КАМ, МАҚОЛАЛАРИНГ ЙЎҚ...»

лиқда ҳаёт порлайди! дея номланган кўргазмада қатнашиб, ғолиб бўлдим, 2018 йил Россияда ўтказилган халқаро танловнинг «Энг яхши сувенинг» йўналишида 1-ўринни қўлга киритдим. Бу барча ютуқларимнинг дебодаси бўлди, десам асло муволаға эмас...

ёйнардик, қувнардик. Аммо менинг ёшим улғайган сари тавақкур доирам кенгайиб борар, у эса... Кейин мен вузига кўчиб кетдим. Аммо уни унутмадим. «Нега шундай?» деган савол доимо мени қўйнаб келарди. Ва бир куни билдимки, у «даун» синдромига чалинган экан... Менинг лойиҳам ана шунда туғилган – «куёш болалари»га кўмак бераман...

Бугун дарсда ўтирар эканман, курсдош дуоноларимни кузатиб, айримлари анча ҳорғин эканликларини сездим. Боисини ўзларидан сўраганимда, ишлаётганликларини айтишди. Табиийки, талабаларнинг ҳам ўқишини, ҳам ишни бир маромда удаллаши қийин. Аввало, меҳнат билан банд талабалар ҳар доим ҳам дарс қилмасликларини, энг ачинарлиси, вақтида овқатлана олмасликларини мумкин. Оқибатда аксарияти ошқозон-ичак ва овқат ҳазм қилиш тизими касаллигига ёки камқонлилиқка чалинади...



ИШЛАЙДИГАН ТАЛАБАЛАР Улар қандай фойда кўриб, нималарни бой беришмоқда? Мен ишлаётган талабаларга кўп дуч келаман. Айримлари емакхоналарда, баъзилари савдо ва хизмат кўрсатиши соҳаларида меҳнат қилишади. Шу боис бошқа тендешларига қараганда камроқ дам оlishади, чарчоқ ҳиссини кўпроқ туюшади. Дарсда ухлаб қолиш ҳолатлари ҳам учраб туради... Шунинг учун ҳам мен талаба, аввало, таълим олиш билан шуғулланишнинг, агар ишлашга эҳтиёжи бўлса, ўз йўналишида ишлашни хоҳлайман...

Фикр Учинчидан, бу фикр Ўзбекистон мусулмонлари идораси раиси уринбосари Иброҳимжон Иномовнинг «Халқ сўзи» газетасининг 2020 йил 29 сентябрь сонидан чиққан «Устоз отангдан улуг» мақоласида ҳам ўз ифодасини топган. Муаллифининг таъкидлашича, бу нақл бизга қадим-қадимда яшаган аждодларимиздан мерос бўлиб қолган. Демак, уни ўзгаришга ва ўзимизга қўшимчалар қўйишга ҳаққимиз йўқ...

MUASSIS: O'zbekiston kasaba uyushmalari Federatsiyasi. «Ishonch» va «Ishonch-Doverie» gazetalarini taхрир хайъати: Кудратилла РАФИҚОВ, Улуғбек ЖАЛМЕНОВ, Анвар АБДУМУХТОРОВ, Сайфулло АҲМЕДОВ, Акмал САИДОВ, Равшан БЕДИЛОВ, Қутлимурот СОБИРОВ, Суҳроб РАФИҚОВ, Шоқосим ШОИСЛОМОВ, Ҳамидулла ПИРИМҚУЛОВ, Нодира ҒОЙИБНАЗАРОВА, Анвар ҚУЛМУРАДОВ... Бош муҳаррир Ҳусан ЭРМАТОВ